




松雪斎全集


一

特別
^16
1020
1



門 和 10
號 1020
卷 1







尚敬三重訂

趙文敏公松雪齋全集

城書室藏板

元趙文敏公松雪齋集十卷公子仲穆所編次至元間刊於花溪沈氏外集一卷亦沈氏家塾所刊也家大人舊有抄本近從長洲友人家獲昔先朝文博士壽承所藏原刻本校正其譌缺復以他書及石刻所載合之家藏墨跡爲續集一卷其行狀謚文仍列卷末而弁元史本傳於集首以備參云世所稱元四家曰虞楊范揭而不及文敏向頗疑之及讀南邨輟耕錄述虞伯生先生嘗以所語公有句云山連閣道晨留輦野散周廬夜屨纍公曰美則美矣改山爲天野爲星則尤美虞

先生深服之故國朝之詩稱虞趙楊范揭焉九成
先生為趙氏之甥其考据固與耳食者異又述伯
生嘗評三公詩而自負為漢廷老吏竊意四家之
稱實沿於此而楊公仲弘所作公行狀自言受業
於門者垂二十年虞公詩法又自楊公啟之於文
敏皆為代興故或人所叩擊伯生所評論第及其
同時才名相雄長之人而止而世遂沿之曰四家
云爾若以有元一代之詩論之當自文敏公如然
疑也又嘗考宋潛溪先生集稱有元盛時以文章
名天下者曰虞歐范揭其所舉四家與世所稱者



又異善特指荆楚之士言耳他日作公像贊乃云
文運中微頽波日靡公起東南作天一柱又云三
百年間西東萬里雄鳴一代如公者幾公貌如玉
公文如金變化莫測照耀古今潛溪手定元史於
中原文獻之傳至悉而敏祖於公若此則公文實
為有元一代作者之倡又無疑也公書畫並造神
家大人嘗教廉學書從松雪入有規矩可守
然後徐議晉唐耳又曰須得公筆力逐貌失神流
姿媚昔人所謂奴書也廉退而臨摹媿未肖公
一二讀公遺文益切嚮往今世松雪翁帖家置一

不而是集未... 不深為藝林憾事因鳩工重鈔
六傳其他碑板文字為集中未載者多有不
輒為增入以失當時決擇之意獨詩與題跋雖
一不經意處皆可玩味別加編輯以續於後若見
聞所未及則以俟博雅君子康熙癸巳九月重陽
前一日海上後學曹培廉拜題於城書室

吳興趙子昂與余交十五年凡五見每見必以詩
文相振激子昂才極高氣極爽余跂之不能及然
而未嘗不為余盡也最後又見於杭始大出其平
生之作曰松雪齋詩文集者若干卷屬余評之余
惟人之各以其材自致於世必能相及也而後相
知必相知也而後能相為言余於子昂不相及而
何以知何以言乎子昂曰雖然必言之余曰必言
之則就吾二人之今所歷者請以杭喻浙東西之
水莫美於杭雖兒童婦女未嘗至杭不知其美
也使之言杭亦不敢不以為美也而不知吾二人

之能言何者吾二人嘗身歷而知之而彼未嘗至也他日試以共說問居杭之人則言之不能以皆一彼所取於杭者異也今人之於詩之於文未嘗身歷而知之而欲言者皆是也幸嘗歷而知之而言之同者亦未之有也二昂未弱冠時出語已驚其里中儒先稍長大而四方萬里重購以求其文車馬所至填門傾郭得片紙隻字人人心愜意滿而去此非可以聲色致也而子昂豈謂其皆知哉故古之相知者必若韓孟歐梅同聲壹跡綢繆傾吐而後爲遇而後世乃欲望此於道途邂逅

間則又過矣余評子昂古賦凌歷頓迅在楚漢間古詩沈涵鮑謝自餘諸作猶傲睨高適李翱云子昂自知之以爲如何大德戊戌仲春既望剡源戴表元序

元史本傳

趙孟頫字子昂宋太祖子秦王德芳之後也五世祖秀安僖王子偁四世祖崇憲靖王伯圭高宗無子立子偁之子是為孝宗伯圭其兄也賜第于湖州故孟頫為湖州人曾祖師垂祖希永父與嵩仕宋皆至大官入國朝以孟頫貴累贈師垂集賢侍讀學士希永太常禮儀院使竝封吳興郡公與嵩集賢大學士封魏國公孟頫幼聰敏讀書過目輒成誦為文操筆立就年十四用父蔭補官試中吏部銓法調真州司戶參軍宋亡家居益自力於

至元二十三年行臺侍御史程鉅夫奉詔提訟遺
逸于江南得孟頫以之入見孟頫才氣英邁神采
煥發如神仙中人世祀顧之喜使坐右丞葉李上
或言孟頫宋宗室子不宜使近左右帝不聽時方
立尚書省命孟頫草詔頒天下帝覽之喜曰得朕
心之所欲言者矣詔集百官於刑部議法衆欲計
至元鈔二百貫贓滿者死孟頫曰始造鈔時以銀
為本虛實相權今二十餘年間輕重相去至數十
倍故改中統為至元又二十年後至元必復如中
統使民計鈔抵法疑於太重古者以米絹民之所

須謂之二實銀錢與二物相權謂之二虛四者為
直雖升降有時終不大相遠也以絹計贓最為適
中况鈔乃宋時所創施於邊郡今人襲而用之皆
出於不得已乃欲以此斷人死命似不足深取也
或以孟頫年少初自南方來譏國法不便意頗不
平責孟頫曰今朝廷行至元鈔故犯法者以是計
贓論罪汝以為非豈欲沮格至元鈔耶孟頫曰法
於人命所係議有重輕則人不得其死矣孟頫奉
詔與議不敢不言今中統鈔虛故改至元鈔謂至
元鈔終無虛時豈有是理公不揆於理欲以勢相

陵可乎其人有愧色帝初欲大用孟頫議者難之
二十四年六月授兵部郎中兵部總天下諸驛時
使客飲食之費幾十倍於前吏無以供給強取於
民不勝其擾遂請於中書增鈔給之至元鈔法帶
澁不能行詔遣尚書劉宣與孟頫馳驛至江南問
行省丞相慢令之罪凡左右司官及諸路官則徑
笞之孟頫受命而行比還不笞一人丞相桑哥大
以爲譴時有王虎臣者言平江路總管趙全不法
即命虎臣往按之葉李執奏不宜遣虎臣帝不聽
孟頫進曰趙全固當問然虎臣前守此郡多強買

人田縱賓客爲姦利全數與爭虎臣怨之虎臣往
必將陷全事縱得實人亦不能無疑帝悟乃遣他
使桑哥鍾初鳴時即坐省中六曹官後至者則笞
之孟頫偶後至斷事官遽引孟頫受笞孟頫入訴
於都堂右丞葉李曰古者刑不上大夫所以養其
廉耻教之節義且辱士大夫是辱朝廷也桑哥亟
慰孟頫使出自是所笞唯曹史以下他日行東御
墻外道險孟頫馬跌墮于河桑哥聞之言於帝移
案御墻稍西二丈許帝聞孟頫素貧賜鈔五十錠
二十七年遷集賢直學士是歲地震北京尤甚地

白黑沙水涌出人 傷數十萬帝深憂之時駐蹕
龍虎臺遣阿刺渾撒里馳還召集賢翰林兩院官
詢致災之由議者思忌桑哥但泛引經傳及五行
災異之口以脩人事應天變為對莫敢語及時政
先是桑哥遣忻者及王濟等理筭天下錢糧已徵
入數百萬未徵者尚數千萬害民特甚民不聊生
自殺者相屬逃山林者則發兵捕之皆莫敢沮其
事孟頫與阿刺渾撒里甚善勸令奏帝赦天下盡
與蠲除庶幾天變可弭阿刺渾撒里入奏如孟頫
所言帝從之詔草已具桑哥怒謂必非帝意孟頫

曰凡錢糧未徵者其人死已盡何所從取非及
是時除免之他日言事者倘以失陷錢糧數千萬
歸咎尚書省豈不為丞相深累耶桑哥悟民始獲
蘇帝嘗問葉李留夢炎優劣孟頫對曰夢炎臣之
父執其人重厚篤於自信好謀而能斷有大臣器
葉李所讀之書臣皆讀之其所知所能臣皆知之
能之也曰汝以夢炎賢於李耶夢炎在宋為狀元
位至丞相當賈似道誤國罔上夢炎依阿取容李
布衣乃伏闕上書是賢於夢炎也汝以夢炎父友
不敢斥言其非可 詩譏之孟頫所賦詩有往事

已非那可說且將忠直報皇元之語帝歎賞焉孟
頰退謂奉御徹里曰帝論賈以道誤國責留夢炎
不言桑哥罪甚於似道而我等不言他日何以辭
其責外我疏遠之臣言必不聽侍臣中讀書知義
理慷慨有大節又為上所親信無踰公者夫捐一
旦之命為萬姓除殘賊仁者之事也公必勉之既
而徹里至帝前數桑哥罪惡帝怒命衛士批其頰
血涌口鼻委頓地上少間復呼而問之對如初時
大臣亦有繼言者帝遂按誅桑哥罷尚書省大臣
多以罪去帝欲使孟頰與聞中書政事孟頰固辭

有旨令出入宮門無禁每見必從容語及治道多
所裨益帝問汝趙太祖孫耶太宗孫耶對曰臣太
祖十一世孫帝曰太祖行事汝知之乎孟頰謝不
知帝曰太祖行事多可取者朕皆知之孟頰自念
久在上側必為人所忌力請補外二十九年出同
知濟南路總管府事時總管闕孟頰獨署府事官
事清簡有元掖兒者役於鹽場不勝艱苦因逃去
其父求得他人屍遂誣告同役者殺掖兒既誣服
孟頰疑其冤留弗決踰月掖兒自歸郡中稱為神
明僉廉訪司事韋哈刺哈孫素苛虐以孟頰不能

承順其意以事中之會修世祖實錄召孟頫還京師乃解久之遷知汾州未上有旨書金字藏經既成除集賢直學士江淞等處儒學提舉遷泰州尹未上至大三年召至京師以翰林侍讀學士與他學士撰定祀南郊祝文及擬進殿名議不合謁告去仁宗在東宮素知其名及即位召除集賢侍講學士中奉大夫延祐元年改翰林侍講學士遷集賢侍講學士資德大夫三年拜翰林學士承旨榮祿大夫帝眷之甚厚以字呼之而不名帝嘗與侍臣論文學之士以孟頫比唐李白宋蘇子瞻又嘗

稱孟頫操履純正博學多聞書畫絕倫旁通佛老之旨皆人所不及有不悅者間之帝若不聞者又有上書言國史所載不宜使孟頫與聞者帝乃曰趙子昂世祖皇帝所簡拔朕特優以禮貌置於館閣典司述作傳之後世此屬嗷嗷何也俄賜鈔五百錠謂侍臣曰中書每稱國用不足必持而不與其以普慶寺別貯鈔給之孟頫嘗累月不至宮中帝以問左右皆謂其年老畏寒勅御府賜貂鼠裘初孟頫以程鉅夫薦起家郎及鉅夫爲翰林學士承旨求致仕去孟頫代之先往拜其門而後

入院時人以為衣冠盛事六年得請南歸帝遣使賜衣幣趣之還朝以疾不果行至治元年英宗遣使即其家俾書孝經二年賜上尊及衣二襲是歲六月卒年六十九追封魏國公謚文敏孟頫所著有尚書註有琴原樂原得律呂不傳之妙詩文清邃奇逸讀之使人有飄飄出塵之想篆籀分隸真行草書無不冠絕古今遂以書名天下天竺有僧數萬里來求其書歸國中寶之其畫山水木石花竹人馬尤精歟前文官楊載稱孟頫之才頗為書畫所掩知其書畫者不知其文章知其文章者不

知其經濟之學人以為知言云子雍奕世以書畫知名

趙文敏公松雪齋全集目錄

卷第一

賦

吳興賦

求友賦答袁養直

紈扇賦

修竹賦

赤兔鶻賦

卷第二

五言古詩

古風十首

有所思

和子俊感秋五首

詠懷六首

詠逸民十一首

歲莫效剛父雜詩四首

贈道隆上人

遊南山憩山下人家

東郊

春後多陰偶成三首用復無逸來貺

曉起川上贈六

遊弁山

登尊經閣望郊外山水二首

四慕詩和錢舜舉韻

春思

雜詩一首

寄題右之此靜軒

廉山曉行

奉和本齋先生首夏即事

贈趙虞卿

題董元溪岸圖

贈別夾谷公二首

題舜舉小隱圖

趙邨道中二首

奉酬戴帥初架閣見贈二首

桐廬道中

張詹事遂初亭

送周正平學士致仕還里

寄鮮于伯幾

送程于充運副之杭州

贈茅山梁道士

罪出

次韻齊彥學士中秋雨後玩月

秋日錦櫻爲繼卿作

聽姜伯惠父彈琴擘阮

題洞陽徐真人萬壑松風圖

自釋

禱雨龍洞山

送石仲璋

題桃源圖

題歸去來圖

題李伯時五馬圖

酬滕野雲

述太傅丞相伯顏公功德

送文子方調選雲南

吳真人盧溝雨別圖

高氏謹節堂

題耕織圖二十四首

卷第三

五言古詩

次韻周公謹見贈

清勝池上偶成

重用韻

韓定叟自會稽來作詩贈之

次韻韓定叟留別

擬古

哀鮮于伯幾

酬潘提舉

新秋

秋日言懷

送姚子敬教授紹興

述懷

慶壽僧舍即事

送李仲淵同知眉州

幽獨二首

允懷齋

送文章甫陝西都事

美人隔秋水

贈李明道尊師

雲林山中二首

題括蒼山成德隱玄洞天

題先天觀

周南翁悠然閣

夏日即事呈六兄

送謝伯英

偶記舊詩一首

遊幻住庵贈月公長老

清河道中

夏至

庭前松

謝貞居先生寄周鍾

閒居

病中春寒

松澗詩贈丁師善

興中府某氏見山樓

贈恢上人

露坐

題黃華爲其父寫真

題先賢張公十詠圖

犀浦遐觀

吳俊卿義塾

寄題杜尊師白雲庵瓊秀亭二首

中言古詩

楊堅州治水歌

題舜舉著色梨花

兵部聽事前枯柏

題西溪圖贈送鮮于伯幾

題二喬圖

題黃素黃庭後

戲題出洗馬

送孟仲則遊荆湖兼往襄漢

烈婦行

送高仁卿還湖州

贈相士

謝鮮于伯幾惠震餘琴

贈相者

漁父詞二首

送朱仲陽太平教授

題李公略所藏高彥敬夜山圖

贈吳真人

題也先帖木兒開府宅壁畫山水歌

孤燕曲

題商德符學士桃源春曉圖

秋夜曲二首

孔道輔擊蛇笏

李氏種德齋

贈張彥古

送田師孟知河中府

趙克敬耘庵

臙脂驄圖歌

贈捏古伯

送高郎仲德往汝州迎母

次韻葉公右丞紀夢

楊天瑞府判平冤詩

賦張秋泉真人所藏研山

題舜舉摹伯時二馬圖

兔

贈相師王蒙泉

卷第四

五言律詩

春寒

雪後同子俊遊何山次韻四首

早春

重遊弁山二首

魚樂樓

秋夜

次韻陳無逸中秋月食風雨不見

獨夜

次韻子山登樓有感二首

聞角

次韻馮伯田秋興三首

本齋先生輓詩二首

贈權季玉兼簡李順甫

奉和帥初兄將歸見簡二首

送楊幼澄教授歸江西兼寄吳幼清

送李清甫由御史出按四川

送劉伯常淮東都事

晉公子奔逃圖遊端父御史同賦

題米元暉山水

送張仲實還杭州

食

酬川處士見贈

送吳禮部奉旨詣彭湖

大司農侯公輓詩

和周景遠見寄二首

奉隆福召命過德清別業

謝石林贈湖石

筇竹杖贈天聖長老仁公

胡穆仲先生輓詩

贈永清曹顯祖縣尹

贈鄭之喬

來鶴亭

大都遇平江龍興寺僧閒上座話唐綦毋

潛宿龍興寺詩因次其韻

李太白酒樓

送翟伯玉雲南省都事

題趙敬甫侍御祖德詩

獲周豐鼎

贈劉節軒侍御

雨

寄題陸振之與閒堂

次韻觀復表兄見簡二首

故兩淞運使李公輓詩二首

五言排律

送張夢符郎中還朝

送董叅政赴召

投贈刑部尚書不忽木公

送夾谷公分省陝西

秋日即事

元日朝賀

奉贈平章李相公十韻

題楊司農宅劉伯熙畫山水圖

七言律詩

和姚子敬秋懷五首

聞擣衣

登飛英塔

岳鄂王墓

谿上

次韻剛父無逸遊南山作

次韻子俊

次韻本齋先生即事

次韻信仲晚興

次韻王時觀

錢塘懷古

次韻舜舉春日感興

紀舊遊

次韻章得一同原父姪遊蘭澤

見章得一詩因次其韻二首

奉和帥初雨中見贈二首

次韻帥初

多景樓

東陽八詠樓

金陵雨花臺遂至故人劉叔亮墓

蛾眉亭

海上即事

贈周景遠田師孟

送李元讓赴行臺治書侍御史

送劉天錫鎮守鄂州

送繆秀才教授真州

送閻子靜廉訪浙西

次韻左轄相公

次韻左轄相公奉寄行臺中丞徐公

送孟君復信州總管

追輓宋漢臣副使

欽誦世祖皇帝聖德詩

送吳師可總管汀洲

李仲淵求其弟叔行萬竹亭詩爲賦一首

王氏節婦

和姚子敬韻

趙子敬御史志養堂

松蘿齋全集目錄

至元庚辰繇集賢出知濟南暫還吳興賦
詩書懷二首

初到濟南

劉端甫御史見和前詩次韻答之

次韻端甫和鮮于伯幾所寄詩

春日送廉訪監司赴都

送劉安道指揮副使還都兼寄李士弘學

士

內突泉

真鶴南書懷

驚

德開居

題山堂

醉後同張剛父清風樓聯句

和鄧善之九月雪

次韻子敬懷王子慶往吳中

卷第五

七言律詩

海子上即事與李子構同賦

重用韻

松蘿齋全集目錄

次韻西雲長老贈周仲和

送杜伯玉四川行省都事

次韻李秀才見贈

人日立春

送岳德敬提舉甘肅儒學

送蕭萬戶鎮閬州

留別藩王

德昌總管雪後見過而余適往德清別業

歸來承惠詩走筆奉和

二日後再雪德昌復枉騎見過既而復和

前篇見贈輒亦次韻

己酉元日朝拜喜晴總管次前韻見教復

和一首

遊烏鎮次韻千瀨長老

贈張進中筆生

贈放煙火者

輓洞霄章耕隱

題溫雪峰詩蹟

次韻龐夸簡禮部

盧彥威用韻見贈亦復次韻

論書

寄題保定杜處士晚翠樓

贈張德玉

歲晚偶成

勝槩樓

次韻杜浩卿詠所藏研

送史總管廉訪江東

贈脫帖木兒總管

壽半章李韓公

鶴亭

道士危功遠

柳湯佐懷孟總管

吳真人告歸為二親八十壽無降香名

山

老態

五言絕句

題秋山行旅圖

題高彥敬樹石圖

題萱草蛺蝶圖

題米元暉山水

黃葵詞

題孫安之松楸圖

題太白酒船圖二首

題彥敬越山圖

寄題真定明遠亭

獨夜

因禪師輓詩五首

題李仲賓野竹圖 并序

天冠山題詠二十八首

玄洲十詠寄張貞居

題仲賓竹二首

題周秀才此山堂二首

曉起聞鶯

六言絕句

黃清夫秋江釣月圖

題孤山放鶴圖二首

題王子慶所藏大年墨雁

七言絕句

初至都下即事二首

送王月友歸杭州二首

清勝軒

浮玉山

鄣南山中

奉和本齋先生午日絕句二首

采桑曲

題東野平陵圖

次韻剛父即事四首

戲題僧維堯墨梅

題范蠡五湖杜陵浣花圖二首

梅花

酬羅伯壽二首

題蒼松壘岫圖二首

送王子慶詔檄浙東收郡縣圖簪三首

九月八日雨中悶坐和答仇仁父張季野

以畫寄高仁卿

題龔聖予山水圖二首

杭州雨中

題秋胡戲妻圖

題舜舉折枝桃

懷德清別業二首

過嚴陵釣臺二首

部中莫歸寄周公謹二首

送山東廉訪照磨于思容

絕句

喜晴

簡王搏霄乞芙蓉杏

都南張氏園寓居

和韓君美二絕句

金山
蘓州

題所畫梅竹贈石民瞻二首

題所畫梅竹幽蘭水仙贈鶴臯四首

和景杜雪中即事五首

送黃景杜

偶成絕句二首奉懷宋齊彥學士田師孟

省郎

東城

湖上莫歸二首

春日漫興

題朱銳雪景

即事三絕

又一首

牧牛圖

題孫登長嘯圖

題山水卷

詠史

題羣仲辭

宮中口號二首

自警

劉時濟歸來堂

宿五華山懷德清別業

留題惠山

徐敏父龍虎山仙巖聞雞鳴寄玄卿二首

題茗谿

題四畫

桃源淵明
四皓赤辭

偶得靈壁石筆格狀如俗所謂鑽雲螭虎者因成絕句

題彥敬畫二首

偶成二首

即事二首

贈彭師立二首

卷第六

雜著

樂原

琴原

五柳先生傳論

夸齋說

趙郡李氏世譜

六

書古今文集注序

印史序

贈趙虞卿序

送吳幼清南還序

送凌德庸赴淮東憲幕序

第一山人文集序

陳子振詩序

薛昂夫詩集序

左丞郝公注唐詩鼓吹序

皇朝字語觀瀾綱目序

送田師孟知河中府序

劉孟質文集序

南山樵吟序

古今歷代啟蒙序

玄武啟聖記序

清權齋內蒙序

葉氏經疑序

關里譜系序

高惟正吳山紀實詩序

卷第七

記

吳興山水清遠圖記

軒記

默齋記

明肅樓記

完州前進士題名記

賢樂堂記

大雄寺佛閣記

瑞州路北乾明寺記

九宮山重建欽天瑞聖宮記

南涇道院記

管公樓孝思道院記

碑銘

大元勅賜故榮祿大夫中書平章政事守
司徒集賢院使領太史院事贈推忠佐
理翊亮功臣太師開府儀同三司上柱
國追封趙國公謚文定全公神道碑銘
故昭文館大學士榮祿大夫平章軍國事
行御史中丞領侍儀司事贈純誠佐理
功臣太傅開府儀同三司上柱國追封
魯國公謚文貞康里公碑
程氏先塋之碑
郝氏先塋碑銘

卷第八

碑銘

蔚州楊氏先塋碑銘

趙君謙甫墓碣

杜氏新塋之碑

故成都路防城軍民總管李公墓誌銘

故嘉議大夫燕南河北道提刑按察使姜

公墓誌銘

田氏賢母之碑

先侍郎阡表

故嘉興縣主簿謝府君墓誌銘

故忠翊校尉海道運糧千戶謝君墓誌銘

有元故徵士王公墓誌銘

任叔實墓誌銘

義士吳公墓銘

卷第九

碑銘

人元封贈吳興郡公趙公碑

田師孟墓誌銘

故嘉議大夫浙東海口道肅政廉訪使陳

公碑

故昭文館大學士資德大夫遙授中書右

丞商議通正院事領太史院事靳公墓

誌銘

元故將仕郎淮安路屯田打捕同提舉濮

君墓誌銘

勅賜玄真妙應淵德慈濟元君之碑

隆道冲真崇正真人杜公碑

勅建大興龍寺碑銘

大元大崇國寺佛性圓明大師演公塔銘

臨濟正宗之碑

卷第十

制

資善大夫隆禧院使文著封贈三代制

章佩丞黑黑封贈三代制

中奉大夫殊祥院使執禮和台封贈三代

制

光祿大夫平章政事大司徒徽政院副使

領將作院事張九思贈推誠翊亮功臣

開府儀同三司太傅上柱國魯國公謚

忠獻制

故行軍千戶權順天河南等路軍民萬戶

賈輔贈金吾衛上將軍中書左丞武威

郡公謚武毅制

故湖廣行中書省叅知政事賈文備贈榮

祿大夫平章政事祁國公謚通敏制

開府儀同三司太師錄軍國重事遙授中

書右丞相宣徽使知樞密院事領中正

院事歪頭封淇陽王制

交趾批答

御試策題

贊

李士弘真贊

叅政郝公畫像贊

雪樓先生畫像贊

魯國文貞公康里不忽木畫像贊

長春宮孫真人真贊

申伯祥畫像贊

張宗師畫像贊

夏真人真贊

趙子敬真贊

中峰和尚真贊

銘

周待制致樂堂銘

題跋

書吳幼清送李文卿歸養序後

七觀跋

題如上人詩集

閣帖跋

洛神賦跋

樂府

浪淘沙

太常引

南鄉子

水龍吟

次韻程儀父荷花

虞美人

江城子

賦水仙

蝶戀花

點絳脣

木調歌頭

與魏鶴臺飲芙蓉洲卒成甫用東坡韻見贈走筆和之時己巳中秋也

和張大經賦盆荷

虞美人

浙江舟中作

後庭花

浣溪沙

李叔固丞相會問贈歌者岳貴貴

月中仙

應制

萬年歡

應制

萬年歡中呂宮

元日朝會

長壽仙道宮

皇慶三年三月聖節大宴

太常引

人月圓

木蘭花慢 賀桂山慶
新居韻

又 和李質
房韻

外集

四言詩

題李侯詩卷

序

御集百本經序

農桑圖序

為政善惡事類序

送張元卿序

記

五臺山文殊菩薩顯應記

重修觀堂記

天目山大覺正等禪寺記

濟南福壽禪院記

碑銘

大元大普慶寺碑銘

仰山棲隱寺滿禪師道行碑

五兄壙誌 代姪
作

魏國夫人管氏墓誌銘

疏

五臺山寺請謙講主講清涼疏

請雨公長老住聖安禪寺疏

幻住庵主月公金書楞嚴經疏

請謙講主茶榜

題跋

題東老事實後

紀夢嵇侍中

續集

五言律詩

次袁學士上都詩韻

七言律詩

萬柳堂席上作

弁山佑聖宮次孟君復韻

杭州拱北樓

送陳都事雲南銓選兼簡李廉訪

五言絕句

牧廢苑

題跋

跋王右軍帖

題東坡書醉翁亭記

題右軍思想帖真跡

定武蘭亭跋

臨蘭亭跋

題右軍快雪時晴帖真跡

臨樂毅論跋

題王大令保母碑

題李思訓蓬山玉觀圖

題顧愷之秋嶂橫雲圖

題曹弗興海戍圖

巖石室圖

題鄭虔畫

趙文敏公松雪齋全集目錄

趙文敏公松雪齋全集 卷一

海上 後學 曹培廉 敬三 校

賦

吳興賦



猗與休哉吳興之為郡也蒼峰北峙羣山西迤龍騰獸舞雲蒸霞起造太空自古始雙谿夾流繇天目而來者三百里曲折委蛇演漾漣漪東為碕灣匯為湖陂泓渟皎澈百尺無泥貫乎城中繚於諸毗東注具區渺渺漭漭以天為隄不然誠未知所以受之觀夫山川暎發照朗日月清氣焉鍾沖和

攸集星列乎斗野勢雄乎楚越神禹之所底定泰
伯之所奄宅自漢而下往往開國洎晉城之攬秀
據實沿流千雉面勢作邑是故歷代慎牧必掄大
才選有識前有王謝周虞後有何柳顏蘇風流互
暎治行同符皆所以宣上德意俾民歡娛况乎土
地之所生風氣之所宜人無外求用之有餘其東
則塗泥膏腴畝鍾之田宿麥再收秔稻所便玉粒
長腰照筥及箱轉輸旁郡常無凶年其南則伏虎
之山金蓋之麓浮圖標其巔蘭若棲其足鼓鐘相
聞飛甍華屋衡山絕水魯史所錄盤紆犬牙陂澤

相屬蒹葭孤盧鴻頭荷華菱苕鳧茨萑蒲軒于四
望井極烏可勝數其中則有魴鯉鰮鱠頭白小
鱸鰕膾餘鼃鼉龜鼈有蛟龍焉長魚如人歎浪生
風一舉百鈞漁師來同罔罟笱簪罩汕是工鳴榔
鼓柁隱然商宮巨細不遺噍噍喁喁日亦無窮其
西則重岡複嶺川原是來其北則黃龍瑤阜之洞
玲瓏長壽之塢縣水百仞既高且阻砢砢嶽崱歲
磊礧礧怪石萬數旅乎如林其高陵則有楊梅棗
栗楂梨木瓜橘柚夏孕枇杷冬華槐檀松柏倚桐
梓漆之屬文竿綠竹篠簜雜遝味登俎豆才中宮

室下逮薪糶無求不得其平陸則有桑麻如雲郁
郁紛紛嘉蔬舍夜不蓄長新陸伐雉兔水弋鳧雁
舟楫之利率十過半衣食滋殖容容衍衍既樂且
庶匪教伊慢於是有縉紳先生明先聖之道以道
之建學校立庠序服逢掖戴章甫濟濟多士日躋
於古廼擇元日用量幣尊玄酒陳簋簋選能者秉
周禮贊者在前獻者在後雍容俯仰周旋節奏成
禮而退神人和右當是之時家有詩書之聲戶習
廉恥之道辟雍取法列郡觀效誠不朽之盛事已
或者難曰自古論著之士曷嘗不識人物紀風俗

哉夫人才者濟時之具而風俗者爲治之質也今
子徒捃撫細碎排比貨食高談不切炫耀自飾莫
大於斯二者顧乃略而弗錄雖文奪組繡聲諧金
石竊爲子不取也僕應之曰否子獨不聞夫子之
言乎十室之邑必有忠信今年且千載地且千里
人物之富胡可殫紀史冊畢書可無贅矣若乃風
俗之隆汙在爲政者之所移易又弗可得而定著
也夫吳雖分在江左嘗被至德之風矣且吾聞之
風行而草偃日中而表正上行下效置郵傳命辟
若季子爲守言游爲令以仁義爲化禮樂爲政鎮

以不貪之寶喻以不言之信即刑可使不用俗可使益盛方將還敦朴於上古考休祥於庶徵今美則美矣又可遂以爲定乎於是難者唯唯逡巡而失意

求友賦答袁養直

思古人之不可見兮心鬱結而不舒登高丘而遠望予獨歎慨乎增歔波洋洋其汜濫兮欲濟而無航膏吾車而孤往兮山鬱乎其蒼蒼四顧聞其寂寥兮思蹇產而不鑠采衆芳以自娛兮聊假日以愉樂奉長洲之夫容兮擘大澤之蘭茝擷江籬之

秀穎兮結秋蘭以爲佩世俗方尚同予余獨異乎今之人謂蘭茝爲不芳兮蛾眉枉之以善姪衆不可以戶說兮歷年歲而靚閔變心以從俗兮而吾又不忍徯朝陽之鳴鳳兮企空谷之白駒何駑駘之衆多兮鸚雀紛其瞿瞿寧飢渴以需時兮恥屬饜乎腥腐古道久其弗繼兮吾惕焉爲此懼何美人之好修兮獨與余其同心懷余以厚德兮遺余以好音世固有同居而不察兮何千里而能同亂浙江之滔滔兮涉遠道以相從靚清揚之信美兮懷盛年而莫當子濯足於東海兮晞髮乎扶桑吸

沈澆以爲飲兮，飡朝霞以爲糧。被列星之燦爛兮，抱明月之夜光。駕青雲而高馳兮，鳴和鸞之鏘鏘。擾蒼龍使挾輶兮，服白虎以驅不祥。願發軔其勿亟兮，聊彌節而抑志。指黃昏以爲期兮，夫孰遠而弗至。亂曰：鹿鳴呦呦，猶求友兮。曾謂斯人不如物之知兮，獨行無儔。吾將與子爲類兮。

紈扇賦

炎暑時至，陽烏怒飛。金石爲流，白汗沾衣。候吹纖條，延爽南扉。玉枕徒設，桃笙安施。旁皇躑躅，不知所爲。於是裂輕紈兮，似雪製圓扇兮。如月光搖懷

袖涼生，毛髮起。遐想於青蘋，引清颺於天末。蕭然襟帶，淒其絺葛。醒人肌骨，裊如脫須臾。或離中腸爲熱，殆造物者欲解民之愠。假人力以爲之，不然豈天時之可奪也。復有題詩欣賞，因書奇絕。障輕塵以寄恨，揚仁風而言別。或畫乘鸞之女，或誤成蠅之筆。白羽離襟，而自愧蒲葵。比方而知劣，及乎商氣應。厥民夸玉露降兮，百草金風生兮。桂枝羅衣重拂，秋蘭復菲。孤螢冷照，寒蟬暗啼。棄捐篋笥，綢繆網絲。班姬彤中道之怨，江淹賦零落之詩。嗟夫，用舍有時，出處有宜。惟人亦爾，於物奚疑。彼

狐貉之御冬豈當暑而亦悲苟行藏之任道顧竢
時乎安之伊聖賢其不可見兮之二人又何知

脩竹賦

猗猗脩竹不卉不蔓非草非木操挺持以高世姿
瀟灑以拔俗葉深翠羽榦森蒼玉孤生太山之阿
千畝渭川之曲來清飈於遠岑娛佳人於空谷觀
其臨曲檻俯清池色侵雲漢影動漣漪蒼雲夏集
綠霧朝霏蕭蕭雨沐裊裊風披露鶴長歎秋蟬獨
嘶金石間作笙竽誰吹若乃良夜明月窮冬積雪
埽石上之陰聽林閒之折意參太古聲沉寥泬耳

目爲之開滌神情以之怡悅蓋其媿秀碧梧託友
青松蒲柳慚弱桃李羞容歌籊籊於衛女詠淇澳
於國風故子猷吟嘯於其下仲宣息宴乎其中七
賢同調六逸齊蹤良有以也又况鳴嶰谷之鳳化
葛陂之龍者哉至於虛其心實其節貫四時而不
改柯易葉則吾以是觀君子之德

赤兔鶻賦

皇慶元年上賜大都留守臣伯帖木兒白兔鶻
一翎翮皓潔白雪同皎至延祐元年凡三籠而
毛羽變赤光采豔奕異於尋常搏擊勇鷲加於

疇昔雖老於五坊者亦不知其所以然豈若君子進於德以潤身者邪公既寫其形質集賢侍讀學士臣趙孟頫爲之賦其辭曰

猗鷲禽兮出金門賜貴臣兮示殊恩色霜雪兮耀前軒解條鏃兮縱平原狐兔駭兮不及奔歷年歲兮毳如璫粲晨霞兮炫朝暎剛氣勝兮肆飛騫德愈進兮義愈敦炯雙眸兮睨乾坤

趙文敏公松雪齋全集

卷一

趙文敏公松雪齋全集

卷二

海上後學曹培廉敬三校

五言古詩

古風十首

詩亡春秋作仲尼蓋苦心空言恐難託指事著以深大義炳如日萬古仰照臨鳳鳥久不至楚狂乃知音愁來不得語起坐彈吾琴

周衰有戰國紛紛極荆秦黃金聘辯士駟馬迎從人朝爲剝骨讐莫作歃血親終然智力屈奉身俱入秦

相如賦大人出語頗奇怪飄然凌雲意過耳誠一
快誇言入無際自覺塵俗隘安知翻成勸何用名
為戒

自有天地來蓬萊幾清淺人生空曠首舉世誰得
見瑤臺在何許渺渺煙波遠方舟不可渡使我空
展轉

絕代有佳人被服綺與紈蛾眉秀聯娟吐詞馥若
蘭清歌啟皓齒瑤琴發哀彈一彈再三歎聽者涕
洟瀾借問誰家子為言本邯鄲

秋風吹庭樹故葉紛以隊明月耿夜長草蟲促經
緯四序苦不淹少壯何足貴展轉復展轉寤寐不
能寐昔為閨中秀今作市門鄙豈無膏與沐甘心
得憔悴

山深多悲風日莫愁我心玄雲降寒雨松柏自哀
吟人生百年後奄然闕重陰念此每不樂天路何
由尋仙人偃佺輩消搖在青岑奈何不爾思委命
重黃金

海山有奇樹粲粲珊瑚枝由來植物性無脛可推
移如何石氏子樹之白玉墀洛陽經幾戰金谷久
荒夸空令千載下聞者為傷悲

烈風號枯條落葉滿周道原野何蕭索川流亦浩
浩離居日以遠懷思令人老功名會有時生世苦
不早顧瞻靡所騁憂心怒如擣
浮雲何方來不知竟安之飄飄隨風去汗漫以為
期自昔功名士往往事驅馳白駒空谷中誰能如
繫維皎皎難見容翻受世妍媸虛名誠無益不見
斗與箕

有所思

思與君別來幾見芙蓉花盈盈隔秋水若在天一
涯欲涉不得去茫茫足煙霧汀洲多芳草何心采
去蘭苕上

和子俊感秋五首

秋至倏廿日天宇豁然清凉飈旦夕至林木發商
聲良辰不我與慨然心自驚古人久已逝念之動
中情苦心嬰世患只博身後名今我將無同庶復
得此生

明月照北林翩翩棲鳥翻虛室當靜夜幸絕人事
喧念子已獨寐無人相與言吾生性坦率與世無

競奔空懷丘壑志耿耿長存何由持此意往與
嚴鄭論

披衣步中庭仰視河漢白寓形天地內聊復度朝
夕仲尼諒非愚皇皇不暖席履運有異同喟然慨
今昔丘園豈云遠終當期屏迹日月馳騫去鳥影
飛過隙歸休盍不早胡爲受形役

晴雲暖高宇輕颺弄微涼天氣政爾佳撫已徒自
傷今日非昨日荏苒歎流光幾見春鳥鳴已復啼
寒蟿一時良亦短萬世則爲長

白露泣然隊草木日以凋閒居無塵雜日薄風條
條登高寫我心葵扇欲罷搖感時俯逝水回睇仰
層霄松喬在何許高蹈不可招願言從之遊懷古
一何遙

詠懷六首

皇天分四序寒暑互推移如何當秋夕愴怳令心
悲寒蟬寂無聲翔雁紛南飛西風一披拂草木失
華滋不惜鷓鴣鳴但傷衆芳萎徘徊白露下鬱悒
誰能知

美人涉江來遺我雲和琴朱絲絃玉軫古意一何
深長歌和清彈三歎有遺音逸響隨風發高高不

可尋奈何俚俗耳折楊悅哀淫此道棄捐久沉吟
獨傷心

明明秋夜月流光照羅帷隱憂從中來起視夜何其
草蟲催杼軸扎扎鳴聲悲良人遠行役萬里歸
無期予髮已曲局膏沐久不施回身入閨房愁思
當告誰獨有中宵夢遙遙爲君馳

蒼天高無極大川廣且深下有沉潛魚上有溟飛
禽先民莫不逸我獨懷苦心杼情作好歌歌竟意
難任

陵茗何青青上蒙松與柏一時良亦好歲晚竟誰

得人無金石壽生年不盈百何爲慕榮祿抱此長
戚戚

菽粟在中原夫人能采之無爲思白憂歡樂當及
時今日忽已過來日非所知有酒且復飲既醉歌
令儀

詠逸民十一首

自古逸民多矣意之所至率然
成詠聊與同好時而歌之耳

鳳凰覽德輝奮翅翔千仞矯矯孤竹子求仁斯得
仁於心有不厭視世等埃塵俯仰志不屈又不辱
共身聖言一以宣萬古無緇磷誰言首陽山卓與

嵩華鄰采采山中薇媿爾肉食人

勞生本非情祿仕吾不苟古來畎畝間亦有沮溺
叟依依耦耕心千載思尚友中道世所難狂狷誠
足取如何絕代下相知不忠厚仲尼不復作斯懷
向誰道

駟車秣駑馬吾將適齊國聞有魯連子倣儻好奇
畫一談秦師走再說聊城拔功成不受賞高舉振
六翮布衣終其身豈復爲世役茫茫千載遠安往
訪遺跡躊躇東海上向風長太息

四時相代謝榮耀何足恃瓜田引新蔓不見桃與
李知士解其會遇坎當復止邵生故秦吏乃亦睹
茲理賢哉感我懷三歎不能已

子真初亦仕歲晚乃逃之區區南昌尉上疏忘其
卑忠言不見用耿耿當告誰飄然棄妻子終身與
世辭抱關甘貧賤所貴莫我知至今九江墳清風
激羣黎神仙信茫昧此士獨不疑孤雲無定在逝
水何時歸遐思一矯首悵望無由期

悠悠空山雲泱泱長江流廊廟意不屑山澤聊淹
留故人在天位高步追巢由豈曰子無衣辛苦被
羊裘東京多節義之子乃其尤窮居雖獨善輔世

豈不優

汪汪千頃波不爲人濁清道周言行表蕩然無得名誰言牛醫兒乃是人中英當時無間言後世流德聲思之不可見使我鄙吝萌淳風久已漓此意豈復存時無君子者雖賢寧見稱

南州有高士食力事耕稼優游聊卒歲不矯亦不隘大木行欲顛緋纒豈足賴何爲諸老翁棲棲不遑舍斯言非無見明哲自高邁誰能懸一榻待子來稅駕

鹿門何亭亭下有辟世賢鳳鷁隱中林卧龍蟠其淵一朝起高鞞斯人獨深潛功名不可爲我志久已安一闕耆舊傳使我心悠然

黃鵠羽翼長一舉思千里幼安本中原乘桴走東海舉世方尚同遠引存吾志流風漸異俗敦禮化鄰鄙子魚平生友胡乃不相委

塵事非所便田園久見招歸來三逕中蔚蔚長蓬蒿雖有荷鋤倦濁酒且自陶茫茫大化中委運將焉逃唐虞去已遠由來非一朝粲粲霜中菊采采忘其勞

歲莫和剛父雜詩四首

窮陰結嚴寒立景闕微陽蘭蕭同憔悴隱惻我中
腸美人彈玉琴繼之歌清商絃急聲未已知子意
獨長陽春時未至此曲徒悲傷

美玉處荆山林木生光輝采之獻凡目棄置亦其
宜如何和氏子涕泣有餘悲古來賢達人不爲毀
譽移被褐懷至寶寧懼不我知待賈未能信韞藏
誠可師

驚飈吹白日流光忽蹉跎登山采衆芳荆綦一何
多迷途幸未遠回車且委蛇黃鵠志四海雀鷄將
如何

肥馬黃金鞍重裘華且鮮揭來從橫馳意氣何翩
翩朝爲人所慕夕已爲世憐此道固應爾禍福非
虛言生當稱善人死當謚爲賢勿羨夸毗子狂馳
終百年

贈道隆上人

辟俗無所之步尋招提遊顏垣蔽蓬艾破屋壞不
修老僧俗念淨靜坐百不憂浮雲有逸態止水無
急流乃知我輩人苦受世累囚揭來得此地稍覺
心休休窗前幾藜菊青蕊亦已稠愛之不忍采留
作山房秋何當移四松伴汝成清幽南岡與北嶺

路近頗易求他年風雨夜來聽龍吟愁

遊南山憩山下人家和人韻

驅馬南山陽下馬望絕巘解衣坐盤桓言就蓬廬
偃非無攀援力興盡自應返天高暄風息木落歲
華晚勢阻乏遐觀趣得心自遠不有君子詞何用
抒繾綣

東郊

晨興理孤榜薄言東郊遊清風吹我衣入袂寒颼
颼幽花_爲時節弱蔣依寒流山開碧雲斂日出白
煙收曠望得懷欣然消我憂中流望城郭蔥蔥

佳氣稠人生亦已繇惠養要須周約身不願餘尚
恐乏所求且當置勿念乘化終歸休

春後多陰偶成三首用復無逸來貺

日出晨景澹散髮步中庭仰見濯濯柳春風暢人
情茲晨豈不佳誰能定陰晴人生亦良脆疲勞竟
何營萬事可撥遣舍道焉求成

臥起向北窗一室可棲遲取詩三百篇一一絃歌
之古道豈爲遠先師不吾欺嘉我有良朋所志共
在茲適意聊娛樂過此非所知

仲春忽已過四序隨流波水深不可厲苦雨一何

多田園頗在念春事今如何沉憂亦無益言笑復
言歌

曉起川上贈友

明發不能寐獨步柳陰中秋色方浩蕩晨光乍曛
矚爍爍川上日蕭蕭樹閒風葛巾欲吹墮纖絺已
無功感彼歲月駛悟此人世空悠悠竟何補山林
情所鍾終期抗高志駕言從赤松

遊弁山

我欲到斯境歲月良已深今晨爲茲遊疇我夙昔
心悠悠岡坂_之慘慘風雲陰微雨迫短日飄然灑

衣襟婁欲還_之駕去意復難任逍遙得所止林竹
自蕭森素琴不須彈山水有清音邈在樊籠外塵
想何由侵况懷冥絕理去此將焉尋他山豈不好
聊爾非所欽

二月二日尊經閣望郊外山水二首

朝登西北樓遐景舒我懷熹微晨光動窈窕春增
華草木罕悴色山川一何佳悠然斜川意千載與
我諧及茲春服成言詠樂無涯此理將不泯棄之
良可嗟

日出羣動作雞犬亦復喧渺渺孤舟發翩翩棲鳥

先師有明訓政在善利閒結髮事詩書於今益
可憐况茲去古遠淳風未易還吾行亦聊爾一覽
可忘言

四慕詩和錢舜舉韻

子哲有高志悠然舞雩春接輿諒非狂行歆歸隱
淪周也實曠士天地視一身去之千載下淵明亦
其人歸來北窗裏勢屈道自伸仕止固有時四子
乃不泯九原如可作執鞭良所欣

春思

春柳黃如鶯春風揚綠波美人在何許忽若阻山

阿攀條弄白日常恐歲蹉跎懷思鬱不舒佳期將
奈何良辰難驟得臨風空浩歌

雜詩

四時更代謝物化常隨之春華曾幾何歲月忽如
茲嚴風動高林百草具已萎人生况有役憂患乃
其宜棄捐勿復念出入由化機安得松喬術邈與
世相違

寄題右之此靜軒

卜居無喧寂尚論心所宗山林苟不靜亦與朝市
司聞君南窗下寄傲樂無窮曲肱有餘趣戰勝紛

中好風從何來吹子庭前松清琴時一彈濁酒
尊不空頗恨道里賒不得往相從人事矧好乖我
心何時降

廉山曉行

曳杖行墟曲蒼茫曉色分凝霜被原隰葛屨非昔
聞新松夾道周宿草冒高墳日月迭而逝死生安
足云輕舟泐寒流悵望廉山雲世固不可辟斯人
本同羣緬焉心如結詠言著斯文

奉和本齋先生首夏卽事

天道雖不言坐覺四時行藹藹庭前陰燄燄枝上
榮閒居有真趣曲肱寄餘情仰視浮雲翔俯聆時
鳥鳴道勝心自怡松喬可齊齡惜哉無旨酒爲公
稱兕觥

贈趙虞卿

客從北方來逍遙江湖閒顧影空自愛不見欣戚
顏奕秋去已遠神觀一朝還惜無雙白璧慰子行
路難翩翩雲中鶴孤高杳難攀長懷紫霞客引袂
入名山

題董元溪岸圖

林何蒼蒼油雲出其下山高蔽白日陰晦復多

窈窕溪谷中，遭回入洲渚。冥冥後狃居，漠漠鳧雁聚。幽居被誰子，孰與玩芳草。因之一長謠，商聲振林莽。

贈別夾谷公

驅馬原隰間，經時不遑休。昔來日在斗，今去麥已秋。王事有埤益，宴安非所求。翩翩晨風翼，一舉逝莫留。誰令匏瓜繫，自懷離別憂。

青青蕙蘭花，含英在中林。春風不披拂，胡能見幽心。相去千里餘，會合大江南。促席談自古，知我一何深。此別雖非遠，懷思渺難任。公其愛體素，尚無

金玉音

題舜舉小隱圖

有水清且泚，洄洑亂石閒。樂哉三子者，在澗歌考槃。流波牽弱縷，輕飈動文竿。信無吞舟魚，我志匪魴鰈。勿言隱尚小，神情有餘閑。高士不可見，古風何時還。

趙邨道中

朝出南郭門，遙指西山陰。馬蹄與石鬪，宛轉愁我心。溪谷莽回互，寒風振穹林。黃葉灑我衣，巖泉走音淒淒。霜露降窮思，浩難任。人生亦何爲，百年

古今華堂昔燕處零落歸丘岑况復不得保悲
來淚沾襟

昔年干戈動兵塵暗三吳長江已無險智勇亦難
圖築壘依平山謀國一何愚楨榦羣林空遺址莽
丘墟至今蓬蒿下猶有白骨枯天陰萬鬼哭慘慘
荒山隅興亡自有數不敢問何如獨憐野菊花立
馬爲躊躇

奉酬戴帥初架閣見贈

仙人海上來遺我珊瑚鉤晶光奪凡目奇采耀九
州自吾得此寶晝玩夜不休生世勿恨晚及與斯

人儔惜哉無瓊玖可以結綢繆世德日下衰古風
向誰求蛾眉亦何有空受衆女仇適俗固所願違
己良足憂感子贈言意再拜涕泗流安得騎麒麟
從子以遠遊

吾愛戴安道隱居絕埃塵彈琴聊自娛書畫又絕
倫豈無召我者已矣非所欣昔我道剡中山川自
清新是時夜雪霽懷哉見其人常欲以暇日慷慨
爲寫真之子有祖風千里響然臻我從蘇李後敢
言筆墨神坐之盤石上俗物不得親微君動高興

上
意當誰陳

桐廬道中

歷歷山水郡行行襟袍清兩崖東滄江扁舟此宵
征臥聞灘聲壯起見渚煙橫西風林木淨落日沙
水明高旻衆星出東嶺素月生舟子棹歌發含詞
感人情人情苦不遠東山有遺聲豈不懷燕居簡
書趣期程優游恐不免驅馳竟何成我生悠悠者
何日遂歸耕

張詹事遂初亭

青山繚神景佳氣溢芳甸林亭去天咫萬狀爭自
獻年多嘉木合春晚餘花殿雕闌留戲蝶藻井語

嬌燕退食鳴玉珂友于此終宴鐘鼓樂清時衣冠
集羣彥朝市塵得侵圖書味方遠紛華雖在眼道
勝安用戰初心良已遂雅志由此見何事江海人
山林未如願

送周正平學士致仕還里

關吏晨啓門僕夫戒首途祖道京城南喜色動闔
闈仕宦非徒榮出處貴合義公今雖未耄進退有
餘地高蹈激流俗清風聳朝廷增秩仍繼祿聖明
優老成逍遙桑梓間年高德彌邵紅顏醉春酒白
髮照晴昊兩疏真勇決四皓甘隱淪漢史不專美

今凡幾人青牛當南遊紫氣已先路我欲強著
書懷哉未能去

寄鮮于伯幾

廟廊不乏才江湖多隱淪之子稱吏隱才高非衆
鄰脫身軒冕場築屋西湖濱開軒弄玉琴臨池書
練裙雷文絜周鼎鹿鳴娛嘉賓圖書左右列花竹
自清新賦詩凌鮑謝往往絕埃塵我生少寡諧一
見夙昔親誤落塵囿中四度京華春澤雉歎畜樊
白鷗誰能馴

送程子充運副之杭州

鹽爲生民食日用猶水火雖非飢所急一日無不
可但令商賈便那復愁國課數年人壞法貪欲肆
偏頗利多歸私室民始受鹽禍爾來又計口強致
及色裹推酤窮滴漉征商劇遮邏東南民力竭此
事非細瑣朝家更政化選擇堪負荷君爲尚書郎
精白色嗟嗟明當戒行李往理吳越施祝君無別
語編戶要安妥湖山多勝處亦可供宴坐談笑尊
俎閒佳聲滿江左

贈茅山梁道士

山標句曲秀嶺蔚層雲層雲散浩彩中有三茅

度世三千秋流芳浩無垠丹光耀朱陽琴心傳
玉文司命播萬物發蒙導人羣學道得曠士采真
遺塵氛贈我書一編清謠吐奇芬筆耕亦已勤寸
田要鋤耘靈臺聳絳闕黃雲覆氤氳內觀神自照
衆言一何紛平生山林意獨往乃所欣攀援桂樹
枝采擷芝蘭薰靜與木石居遊則侶麋麝松柏無
冬夏煙霞自夕昕軒冕或桎梏綺語徒羶葷大道
返爾朴至哉吾師云冥冥紫霞想湛言久不聞聆
我歌洞章判然仙凡分

罪出

在山為遠志出山為小草古語已云然見事苦不
早平生獨往願丘壑寄懷抱圖書時自娛野性期
自保誰令墮塵罔宛轉受纏繞昔為水上鷗今如
籠中鳥哀鳴誰復顧毛羽日摧槁向非親友贈蔬
食常不飽病妻抱弱子遠去萬里道骨肉生別離
丘壠缺拜埽愁深無一語目斷南雲杳慟哭悲風
來如何訴穹昊

次韻齊彥學士中秋雨後玩月

臥疴媿微官俯仰百憂集安知中秋至但見明月
出蕭蕭雨新已涼氣澄霽夕青旻羅疎星燦若珠

與僻小蟲鳴草根萬物皆自適而我獨何為矯首
望南北愁來無端倪撥去終不釋人生莫不樂杯
酒會鄰戚高歌雜清唱起舞戛鳴瑟閉戶且復眠
空尊何由酌

秋日錦櫻為繼卿作

灼灼庭下花霜餘發春妍衆卉方具腓穠芳獨嫵
然主人遠方來一笑清尊前植物豈無情有開容
必先造化寓深意嘉與後人傳

聽姜伯惠父彈琴擘阮

姜子早聞道澹然遺世榮蓺花有生意焚香無俗

情時抱琴與阮彈作松風聲疇昔江湖間久已知
子名安知十年後一笑成合并是邦山水秀照人
肌骨清願子石泉上為鼓一再行因之洗我耳遂
欲濯塵纓

題洞陽徐真人萬壑松風圖

謾謾松下風悠悠塵外心以我清淨耳聽此太古
音逍遙萬物表不受世故侵何年從此老辟穀隱
雲林

自釋

君子重道義小人貴功名天爵元自尊世紛何足

榮乘除有至理此重彼自輕青松與蔓草物情當
細評勿爲蔓草蕃願作青松貞

禱雨龍洞山

蒼山如犬牙細路入深谷絕壁千餘仞上有凌雲
木陰崖不受日洞穴自成屋蕭森人跡少蒼蔚獸
攸伏雲林互隱映澗道相回復翔禽薄穹雲鳴鳥
響巖曲臨橋濯清颺汲井漱寒玉神物此淵潛愆
陽有祈祝風瀉慙善教吏懦恥厚祿慙懷塵外想
獨往疑有桔過幽難久居濟勝乏高躅策馬尋故
蹊歸樵相追逐

送石仲璋

霜風何淒厲蘭蕭同枯萎念此鼻爲酸惻愴中心
悲由來無醜好衆女嫉蛾眉數畧困巨魚鹽車厄
天騏况復值怨仇貝錦成禍機俯首無所訴菹醢
聽所爲向非知己者雖死誰明之君子有行役後
會在何時欲別不敢往瞻望涕漣沔援筆撫我心
爲公吐此詞

題桃源圖

戰國方忿爭嬴秦復狂怒冤哉魚肉民死者不知
數斯人逃空谷是殆天所恕山深無來逕林密絕

歸路艱難苟生活種時偶成趣西鄰與東舍雞犬
自來云熙熙如上古無復當世慮安知捕魚郎延
緣至其處遙遙千載後緬想增慨慕即今生齒鯨
險絕悉開露山中無木客川上靡漁父雖懷隱者
心桃源在何許况茲太平世堯舜方在御干戈久
已戢老幼樂含哺田疇畢耕耨努力勤藝樹毋爲
問迷津窮探事高舉

題歸去來圖

生世各有時出處非偶然淵明賦歸來佳處未易
言後人多慕之效顰惑蚩妍終然不能去俛仰塵
埃閒斯人真有道名與日月懸青松卓然操黃華
霜中鮮棄官亦易耳忍窮北窗眠撫卷三歎息世
久無此賢

題李伯時元祐內廐五馬圖黃太史書其齒

毛

五馬何翩翩蕭灑秋風前君王不好武芻粟飽豐
年朝入閭闔門莫秣十二閑雄姿耀朝日滅沒走
飛煙顧盼增意氣羣龍戲芝田駿骨不得朽託茲
書畫傳誇哉昭陵石歲久當頽然

酬滕野雲

滕君木臞僊骨高足清氣賦詩多秀句往往含古
意大誇江山美一洗塵土翳平生有詩癖得句時
自憙爾來荒蕪甚枯澀常內媿錦繡忽墮前令我
喜不寐功名亦何有富貴安足計唯有百年後文
字可傳世雲谿春水生歸志行可遂閒吟淵明詩
靜學右軍字但恐君未閒書成無由寄

述太傅丞相伯顏功德

興廢本天運輔成見人庸輿地久以裂車書會當
同先帝昔在御如日行虛空六合仰照耀一方顧
顛蒙授鉞得人傑止戈代天工鐵馬浮度江坐收

破竹功草木紛震動山川變鴻濛地利不復險金
城何足攻市靡易肆憂兵無血刃紅孰能年歲間
伐國究始終老稚感再生遺黎忘困窮歸來一不
取匹馬走北風九域自此一益見聖世崇大哉先
帝仁允矣丞相忠嗟我始弱冠弗獲拜此公作頌
歌元勳因之寫吾衷

送文子方調選雲南

我友文子方其人美如玉高談動卿相惠利厚風
俗文章多古意清切綠水曲紛紛鳧鷖羣見此摩
霄鵠今當使西南萬里道邛蜀銓衡非細事賢俊

要甄錄遠人待子來飢者望菽粟賢勞亦常事但
恐期程促馬嘶晨當行草長春正綠執手臨路岐
使我空躑躅

吳真人盧溝雨別圖

驅馬上河梁執手遠別離遠別數千里臨分各相
思山川一何悠去去勿復遲高堂有雙親黃髮映
龐眉還家拜堂下置酒作兒嬉却歸見天子忠孝
兩無虧人生如公少致身貴及時此行將未已親
壽當期頤

高氏謹節堂

先聖有明訓見諸庶人章少小誦習之白首不敢
忘高子躬孝弟養親在高堂蕭公三大字岌岌端
且莊對之銘座右凜然肅冠裳謹身用始節節用
乃無荒斯言非虛語旨遠味自長守此期勿失善
積有餘慶

題耕織圖二十四首奉懿旨撰

耕正月

田家重元日置酒會鄰里小大易新衣相戒未明
起老翁年已邁含笑弄孫子老嫗惠且慈白髮被
兩耳杯盤且羅列飲食致甘旨相呼團圍坐聊慰

衰莫齒田磽蕪人力糞壤要鋤理新歲不敢閑農
事自茲始

二月

東風吹原野地凍亦已銷早覺農事動荷鋤過相
招遲遲朝日上炊煙出林梢土膏脈旣起良耜利
若刀高低徧翻墾宿草不待燒幼婦頗能家井白
常自操散灰緣舊俗門逕環周遭所冀歲有成殷
勤在今朝

三月

良農知土性肥瘠有不同時至萬物生芽蘗由地

中秉耒向畎畝忽徧西與東舉家往于田勞瘁在
爾農春雨及時降被野何濛濛乘茲各播種庶望
西成功培根利秋實仰天望年豐但使陰陽和自
然倉廩充

四月

孟夏土加潤苗生無近遠漫漫冒淺陂芄芄被長
阪嘉穀雖已植惡草亦滋蔓君子與小人並處必
爲患朝朝荷鋤往薈耨忘疲倦旦隨鳥雀起歸與
牛羊晚有婦念將飢過午可無飯一飽不易得念
此獨長歎

五日

仲夏苦雨乾二麥先後熟南風吹隴畝惠氣散清
淑是爲農夫慶所望實其腹沽酒醉比鄰語笑聲
滿屋紛然收穫罷高廩起相屬有周成王業后稷
播百穀皇天貽來牟長世自茲卜願言成歲稔四
海盡蒙福

六月

當晝耘水田農夫亦良苦赤日背欲裂白汗灑如
雨匍匐行水中泥淖及腰脊新苗抽利劒割膚何
痛楚夫耘婦當饁奔走及亭午無時暫休息不得

避炎暑誰憐萬民食粒粒非易取願陳知稼穡無
逸傳自古

七月

大火旣西流涼風日淒厲古人重稼穡力田在匪
懈郊行省農事禾黍何旆旆碾以他山石玉粒使
人愛大祀須粢盛一一稽古制是爲五穀長異彼
稊與稗炊之香且美可用享上帝豈惟足食人一
飽有所待

八月

白露下百草莖葉日紛萎是時禾黍登充積徧都

鄙在交既千以入邑復蕞車人言曰家樂此樂誰
可比租賦以輸官所餘足儲峙不然風雪至凍餒
及妻子優游茅簷下庶可以卒歲太平元有象治
世乃如此

九月

大家饒米麪何啻百室盈縱復人力多舂磨常不
停激水轉大輪磴碾亦易成古人有機智用之可
厚生朝出連百車莫入還滿庭勾稽數多少必假
布算精小人好爭利晝夜心營營君子貴知足知
足萬慮輕

十月

孟冬農事畢穀粟既已藏彌望四野空藁秸亦在
場朝廷政方理庶事和陰陽所以頻歲登不憂旱
與蝗置酒燕鄉里尊老列上行肴羞不厭多魚羔
復烹羊縱飲窮日夕爲樂殊未央禱天祝聖人萬
年長壽昌

十一月

農家值豐年樂事日熙熙黑黍可釀酒在牢羊豕
肥東鄰有一女西鄰有一兒兒年十五六女大亦
可并財禮不求備多少取意宜久訂與冬後婚嫁

利此時但所子孫多門戶
扶持六當力蠶桑男
當力耘耔

十二月

一日不力作一日食不足
慘淡歲云莫風雪入破
屋老農氣力衰偃僂腰背曲
索綯民事急晝夜互相續
飯牛欲牛肥芟藁亦預蓄
寒驢雖劣弱挽車致百斛
農事極勞苦歲豈恒稔熟
能知稼穡艱天下自蒙福

織正月

正月新獻歲最先理農器
女工並時興蠶室臨期

治和陽力未勝早春尚寒氣
窗戶當奧密勿使風雨至
田疇耕耨動敢不修耒耜
經冬牛力弱相戒勤飯飼
萬事非預備倉卒恐不易
田家亦良苦捨此復何計

二月

仲春凍初解陽氣方滿盈
旭日照原野萬物皆欣榮
是時可種桑插地易抽萌
列樹徧阡陌東西各縱橫
豈惟籬落間采桑憚遠行
大哉皇元化四海無交兵
種桑日已廣彌望綠雲平
匪惟錦綺謀祇

享民生

三月蠶始生纖細如牛毛婉孌閨中女素手握金
刀切葉以飼之楦紙散周遭庭樹鳴黃鳥發聲和
且嬌蠶飢當采桑何暇事遊遨田時人力少丈夫
方種苗相將挽長條盈筐不終朝數口望無寒敢
辭終歲勞

四月

四月夏氣清蠶大已屬眠高首何昂昂蛾眉復娟
娟不憂桑葉少徧野如綠煙相呼攜筐去迢遞立
遠汗梯空伐條枚葉上露未乾蠶飢當早歸秉心

靜以專飭躬修婦事
語方喧然

當盛年救忙多女伴笑

五月

五月夏以半谷鶯先弄晨老蠶成雪繭吐絲亂紛
紜伐葦作曲薄束縛齊榛榛黃者黃如金白者白
如銀爛然滿筐筐愛此顏色欣欣舉家喜稍慰
經時勤有客過相問笑聲聞四鄰論功何所歸再
拜謝蠶神

六月

下燒桑柴取繭投谷中纖纖女兒手抽絲疾如

西家五六片綠樹陰和蒙但聞繰車響遠接邨
西東旬日可經絹弗憂杼軸空婦人能蠶桑家道
當不窮更望時雨足二麥亦稍豐沽酒田家飲醉
倒嫗與翁

七月

七月暑尚熾長日弄機杼頭蓬不暇梳揮手汗如
雨嚶嚶時鳥鳴灼灼紅榴吐何心娛耳目往來忘
偃屨織為機中素老幼要紉補青燈照夜梭蟀蟋
窗外語辛勤亦何有身體衣幾縷嫁為田家婦終
歲服勞苦

八月

池水何洋洋漚麻水中央數日麻可取引過兩手
長織絹能幾時織布已復忙依依小兒女歲晚歎
無裳布襦不掩脛念之熱中腸朝緝滿一籃莫緝
滿一筐行看機中布計日漸可量我衣苟已成不
憂天早霜

九月

季秋霜露降凜凜寒氣生是月當授衣有布織未
成天寒催刀杼可無營教女學紡繚舉足疾

輕舍南與舍北杼聞車聲通都富豪家華屋

娉婷被服雜羅綺
三色相閒明聽說貧家女
惻然當動情

十月

豐年禾黍登農心稍逸
樂小兒漸長大終歲荷鋤
矁目不識一字每念心作惡
東鄰方迎師收拾令
入學後月日南至相賀
因舊俗爲女裁新衣修短
巧量度龜手事塞向庶御
北風虐人生真可歎至
老長力作

十一月

至陽來復草木漸
君子重其然吾道自此

父母坐堂上子
福并人生屬明時
四海方一民無札瘥者
厚澤敷羣作衣食苟給足
禮義自此生願言興學校庶
幾教化成

十二月

忽忽歲將盡人事可稍休
寒風吹桑林日夕聲颼
颼牆南地不凍墾掘爲坑溝
斫桑埋其中明年芽
早抽是月浴蠶種自古相傳
流蠶出易脫殼絲纒
亦倍收及時不努力知有來歲
否手凍不足惜冀
免號寒憂

趙文敏公松雪齋全集 卷二

